


嘉靖重修三原志

(明)張信纂修



本書十六卷，據鈔本影印。嘉靖
本原書缺、漏處頗多，無法換配。

重修三原志序

昔人嘗言天下形勝關中為
上文曰關中天府之國蓋其
地自周文武以來世為都會
而三輔鼎峙列邑綦布沿漢
及唐號為雄盛而稽之圖志
漫無登載後世如宋敏求嘗
因常述舊記演而成書廣記

三原志序

詳備然傳至于今亦復遺墜
國都且爾况比郡乎郡治且
爾况屬邑乎此三原縣志所
以不容於不作也縣舊有志
既多脫畧

國家休明百年文獻自陝以西
彬彬尤盛而新志未有紀述
容非缺典今大司馬邑人王

公奮自儒科致位上卿顧嘗

慨念於斯而識務糾紛訖莫
就緒迺者居守陪都撫巡畿
甸庶政既脩民用和洽始克
以其暇日披閱舊編蒐獵遺
事以屬筆以昆陵士人朱昱
悉易俾為纂輯而体格義例
詳畧去取則一取裁於公蓋

三原志序

自建置以至撫遺類為二十
有一為目五十有九厘為十
有六卷而凡土疆之分合山
川之流峙道里之通達風俗
之隆替物產之登耗邑屋之
興廢人才之盛衰政治之得
失與夫故家遺俗之所存文
人才士之所述靡不包括無

道而復以
照回之章冠焉吁可謂博
矣公間以示予屬為之序
惟周禮有職方之圖班重
地里之志漢高入關蕭何
收圖書以此盡知天下
然則圖志之在天下烏可
哉而其在閩中者抑豈無

三原志序

三

本哉徒以俗儒滅裂事不
古吏茲土者既視為傳舍而
不暇為而生斯地者又
近利而不知為乃如公者其
身在廟堂其志在海隅蒼生
其勲業在太常國史一州里
之小簡編之末似可畧而不
為而公乃汲汲為之斯固不

忘宗國之義厚之道也嗣是
而有作焉家藏而考按之時
取而附益之使前有傳而後
有繼又豈非公之所望於後
賢者哉
成化十七年辛丑歲秋八月
上澣

賜進士及第朝請大夫南京

三原志序

四

國子祭酒前翰林學士
太子左庶子同脩
國史兼
經筵講官晉陵王僕序

三原縣志後序

天地冲和之氣萃於西北而
關中為盛三原尤為關中甲
邑然而名山大浸受天地之
氣為多其所產之物不能以
獨當之必有奇傑魁偉之士
挺生其間以鍾其秀而發洩
乎天地山川之蘊上自三代

三原志後序

一

下及漢唐宋世不乏人或以
道德名或以文章顯或以功
業著迨我
聖朝則有今大司馬前都察院
石都憲王公其人焉公蚤掇
巍科歷登樞要文章事業光
昭一世視昔無前是知公之
生也有所自其出也有所為

而天地山川之蘊不能不

公以為之發洩而公亦自知
其任有不能辭者乃於公務
之暇蒐職方披地圖凡山
壇墀宮室井巷古今人物
宦土產所宜職貢所有與夫
朝廷之褒卹古今之題詠皆備
書而詳錄之以為一原信史

三原志後序

二

釐為二冊以卷計一十有五
以目計五十有九昔杜佑嘗
言談地理者在辨區域徵用
革知要害察風土觀公是
之所蓋有之矣嗚呼公之用
心可謂勤且仁矣今之人以
官為家者心溺於富貴名利
之場其於先人之墳墓與其

家世出處之故尚有遺忘棄
置而不知顧况于一邑事物
之影哉如此者其視公之用
心宜何如他日邑之賢大夫
能知所輕重者贊成公志績
梓以傳使鄉人由今以及千
百世之下披卷一覽而一邑
之事無巨無細或因茲革舉

三原志後序

三

集目前若然則公仁惠之心
將與二原之山川庶物同為
不朽矣天地間傑然大丈夫
之事固如是哉大司成王先
生嘗與校正且序其顛末之
詳于首顧予何人亦獲廁名
于後

成化辛丑秋九月望日

賜進士第奉議大夫福建等處
提刑按察司僉事奉
勅提督學政金斗任彥常書

三原志後序

四

三原舊志多脫畧錯亂不可觀石渠老先生
巡撫南直隸時命常州儒士朱昱重加考究
纂輯而成南京國子監祭酒思軒王先生為
之校正復序之于前福建提學僉完任公又
序之于後可謂良志矣奈何鑿板之時被人
將偽作之文增入遂使觀者病焉近蒙西安
太守西蜀馬公行移所屬重修志書乃於老
先生處請原本校之去其偽作餘悉從其舊
稍增古文及近來數事非敢僭也姑志其寔
以俟有道君子筆削焉弘治甲子春正月望

三原志小序

日知三原縣事古汴林洪博謹識

提調皇判官

縣丞張福

主簿教輔

典史白鳳

此志前尹林君洪博嘗請於石渠老先生而
成者視舊志增損稍當厘為十六卷僦工刻
之既而林君致其事以歸今判簿澶浦趙君
昂至念斯工之不可中止復僦工刻之將及
其終正德戊辰夏新尹九原正君堯臣履任
之初考求邑之故寔因觀乎志而歎其成之
之不易也乃銳意規措以收其成功若三君
子其知為政之要者哉故識之俾來者有所
考云

是歲九月望後儒學教諭陵川張信跋

三原志小序

三

跋重脩三原志後

三原志 十四年秋九月既已刻完將摹印以傳中間頗有魯魚亥豕之訛蓋嘗是正而命工易之十一月潁川張侯治奉

命來尹是邑下車之初首詢邑志而欲觀之或告曰志甫刻完而尚未流布若有待也夫邑之有志猶國之有史晉之乘楚之檇皆是也邑不有志何以紀風土載人物而驗治道國不有史何以徵文獻紀勳烈而審治體侯欲觀志可謂知所先務矣為治而知所先務自古論人品者皆於此留意焉

三原志後小序

四

唐李衛公靖上西嶽書為王者之佐建典邦之績邑之鄉賢也予嘗同鄉俊秀建祠以祀之元县尹朱公春夫婦死於王事孤忠動天地大節照古今邑之名宦也予嘗同鄉士大夫為碑以表之予生乎二公之後而景仰高風尚欲延綿其休於不泯侯今觀是志鄉賢無過於李公名宦無過於朱公不問可知其積成以事之矣若然則侯之順民情嚴政體可駸駸乎為古之循良有余地哉是歲十一月戊子平川野逸王承裕書

重脩三原志目錄

第一卷

地理

建置沿革

分塋

形勢

至列

街巷

鎮市

山川

三原志目錄

山

河

井

第二卷

食貨

戶口

物產

公署

縣治

學校

邑名

風俗

疆域

城池

鄉村

橋樑

泉

渠

東

日賦 課程附

諸司解舍

書院

第三卷 官制

壇壝
祠廟

祠

生祠

寺觀

寺院

宮室

樓閣

三卷名目錄

陵墓

陵

古蹟

第四卷

官蹟

名宦

諸司名銜

第五卷

人物一

類達

廟

宮觀

堂亭

墓

庶吏

二

第六卷

人物二

隱逸

文學

貞節

甲科

歲貢

武勳

封贈

方外

三卷名目錄

第七卷

制詞一

誥命

第八卷

制詞二

勅命

第九卷

詞翰一

詩

第十卷

忠義

孝行

行義

鄉舉

循列入選

薦舉

蔭叙

方技

御祭文

賦

三

詞翰三

碑

第十一卷

詞翰三

碑

第十二卷

詞翰四

記

第十三卷

詞翰五

三原志目錄

記

第十四卷

詞翰六

記

第十五卷

詞翰七

記

墓表

第十六卷

詞翰八

序

四

三原志目錄

書 謚 贊 銘 跋

文 說 歲 傳 披 道

重脩三原志目錄終

五

重情三原志卷之一

昆陵後學朱昱志易纂輯

國子祭酒晉陵王傑述賁撰

地理

三原古周秦地漢号县曰池陽而三原之名則昉於符秦所謂三原護軍是也歷代因革上下千載而事之有關於地理之大者已間見於史牒人文典故亦屢見焉其中邑井糾紛邗圻布列闕梁市集纏錯皆僅指可稽故特叙諸篇首云

建置沿革

三原志

卷之一

三原县禹貢雍州之城春秋時秦地始皇置四十四郡屬北地郡漢惠帝四年以其地置池陽县屬左馮翊後因之前秦符堅於截薛山北置三原護軍以其地南有鄠原西有孟侯原北有白鹿原故名三原後衛太武太平真君七年罷護軍置三原县屬北地郡周地畝記曰孝明帝孝昌三年蕭宝寅逆亂閔右毛鴻賓立義柵捍賊在帝永安元年於此置北雍州以鴻賓為刺史俗謂之鴻賓柵又徙县治於清水谷按魏書毛選鴻賓兄也亦有功於魏孝明詔折北地郡之三

原县為建忠郡屬北雍州以控其兄弟功也後周

武帝建德二年郡廢以三原县隸馮翊郡今县東北三十里即三原

县故城隋文帝開皇三年以县隸雍州後屬京兆郡唐高祖武德四年徙治清水谷南故任城改

池陽县六年又徙故所改革池县仍分治三原县

隸北泉州太宗貞觀元年度三原县改革池县為

三原县隸雍州唐末李茂貞据鳳翔以京兆之華

原县置耀州後唐莊宗同光元年以县隸耀州宋

太宗太平興國初改

宗元祐三年復置

軍以县屬之哲

三原志

卷之二

二

宗建炎四年沒於金金隸陝西京兆府路元改耀

州為輝州以同官富平三原三县屬之隸陝西奉

元路後至元二十四年徙三原县於龍橋鎮治今县

已國朝洪武二年改革元路為西安府輝州為耀

州領富平三原同官三原弘治三年本县民巨海

奏准本县直隸西安府有記見詞翰

邑名

池陽漢書地理志應邵曰

建忠詳見沿革

沿革

周官保章氏以星土辨九州之地所封封域皆有分
星以觀妖祥鄭康成註謂大界則曰九州州中諸
國封域以星亦有分焉其書久亡堪輿虽有郡國
入度非古數也今其存者十二次之分而已蓋大
界易知細度唯明三原本一邑耳其附麗於郡國
則曰雍州比之鄭氏所謂諸國中之封域諸史尤
罕言况其入度之異同失莫可考見史記謂東井
與鬼雍州前漢志秦地於天官東井與鬼之分
楚其界自弘農故關以西京兆扶風馮翊北地上
郡西河安定天水隴西郡皆是也後漢志謂東井

十六度至柳八度為鷄首之次於辰在未屬秦分
豈又費直謂起井十二度秦邑謂起井十度未知孰
是是又按文獻通考象緯考州郡躔次陳卓樵周京
房張衡輦井云東井與鬼秦雍州則自云中入東
井一度至上党入與鬼二度又云柳七星張周三
輔則自弘農入柳一度至河內入張九度然此則
是後漢志加詳矣蓋三原為縣嘗屬京兆扶風馮
翊北地四郡其大畧又見于晉隋書而其細度
則未詳也

風俗

荀經云三原物產阜蕃習俗淳雅又云民耻爭競
有札逸風介菴云士勤問學民多商賈婦翁非
庆寿賀節不面見長幼虽疏屬異姓亦有序婚
喪有相助之儀時節有往還之礼市肆之間無
居第居第之所不貿易男不出贅女不招婿藉
然有淳龐之風非復古之秦俗矣

形勢

南据涇渭之流凡倚截薛之山仲山拱於西清河
環於東北一邑之勝槩也

疆域

本县在京師西南前臨西安後倚耀州左接高陵
右連涇陽廣四十八里袤五十三里

至列

四至

東至臨潼县界四十里西至涇陽县界八里南至
涇陽县界八里北至耀州界四十五里

八列

東到同州二百五十里西到乾州一百六十里南
到西安府九十里北到耀州九十里東南到高
陵县四十里西南到涇陽县三十里西北到淳

化縣九十里東北到富平縣六十里東南到南
京二千五百里東北到北京二千六百五十里

城池

城高一丈三尺周圍九里一百八十步東南西南二
面有池池深一丈濶五丈北面臨清河深六丈
餘東北隅有月城元至正二十四年築崇禎七
年知縣張縉彥見北面臨河兩額岸圯添築磚
築長四百五十四丈四尺又鍊叙劉公叙脩週
圍馬牆一匝高八尺
西關城週圍一里六分城高池深與縣城相為表裏

三原志

卷之一

五

北城週圍四里四分三厘城高三丈女牆五尺壕
深三丈濶三丈四分三厘城高三丈女牆五尺
東關城週圍三里三分四厘城高三丈女牆六尺
壕深二丈五尺知縣張縉彥見流寇屢踰近地
壕同義氏劉君高家勸輸劉築中允占過銀石
酒督大各里東夫保家者千余家

都究坊在河北為都察院右都御史王公立
繡衣坊二一為御史段信立一為御史張曉立
解元坊在儒學前為成化戊子解元梁澤立
正街自南門達北門畧無委曲
書院街在縣樓北西去有學古書院在內

柱園街在河北太子太保吏部尚書王公居於此
崇賢街一名木梓巷在河北十字口北去
織羅巷在縣樓東白渠南亦名後街

邊家巷在北門裏轉東
祠堂巷在邊家巷東頭轉北揚萬戶祠堂在內
西花園巷在縣樓西白渠南
東花園巷在縣樓東白渠北
草場巷在連忠驛西南
油房巷在縣樓東南
慈房巷在龍橋東北

三原志

卷之二

六

西觀音寺巷在河北西達王氏西園
西壇巷在河北
鄉村
恭毅公居於此

本縣舊轄一十二鄉管一百三十四村唐開成五
年析仁化鄉隸富平縣奉章陵會昌元年以高
陵縣清平鄉來屬奉莊陵
國朝初築管四鄉二十八里正統七年新增崇明
廣智水置三里共三十一里七十三村
龍橋鄉統里九
水清里 九 里 通義里 歸仁里

安政里 崇明里 廣智里

己上俱附郭

弟友里 在縣南一里管村五

楊里村 丁流村 呂村 渠西村 落市村

焦吳里 在縣東二里管村五

林村 焦馬村 南田村 中李村 馮家村

清河鄉 統里七

留坊里 在縣西北五里管村四

丁村 焦村 澗裏村 小裏村

豆村里 在縣北十里管村二

三原志 卷之一 七

大朱村 安家村

毛坊里 在縣北四十里管村四

岳村 大劉村 橫水村 焚村

柏社里 在縣北五十里管村三

劉王村 義合村 辛村

楊杜里 在縣北一十里管村三

馮村 北雄村 閻村

豆保里 在縣東北四十里管村五

邵村 高額村 夏侯村 齊吳村 毛家村

王家里 本縣東北四十里管村四

大澗村 楊村 焦村 謝坊村

浮陽鄉 統里七 張家里 在縣東北三十里管村二

白龍村 長均村

張村里 在縣東北二十五里管村二

小王村 田村

唐村里 在縣東北四十里管村二

王中村 任都村

東陽里 在縣東北二十八里管村四

劉村 五龍村 王店村 白渠村

三原志 卷之一 八

西陽里 在縣東北二十里管村一

邢村

長孫里 在縣北二十里管村二

東寨村 樓底村

武官里 在縣東北十五里管村二

孫村 小李村

鴈渡鄉 統里八

師家里 在縣東十里管村五

吳村 喬福村 大吳村 馮其村 滄沈村

小畦里 在縣東四十里管村二

大時村 劉時村
陂南里 在縣東南四十里管村四

王化村 閔村 解村 高陸村
留管里 在縣東三十五里管村四

趙曲村 南里村 小趙村 長置村
北隴里 在縣東四十里管村三

陂西村 揚甫村 李傑村
城北里 在縣東二十里管村二

康吳村 大易村
北張里 在縣東南十里管村三

三原志 卷之一 九

小其村 張吳村 青東村
永置里 編氓新析故散居各里下無定所

鎮市集場附

龍鎮即今縣市元至元二十四年始徙縣治於此

故今遠近之人猶稱本縣為龍鎮小長安焉

米麥市二一在城中燕樓南一在河北

驢馬市在書院街

豬羊市在西門外

絲市二一在稅課局北一在河北

布花市在書院街

鹽棗市在河北十字街西又鹽店在織羅巷
鐵器市在北門內正街

手帕市二一在燕樓南一在河北
紙市在河北十字街東

板木市在燕樓南
果子市二一在正西門內一在燕樓北一在河北

菜市二一在稅課局邊一在河北
柴炭市一在城中一在河北

王店集在縣東北二十里
長均集在縣東北三十里

三原志 卷之一 十

陂西村集在縣東二十里

橋梁

龍橋在縣城北門外跨清河宋建龍四年清河泛

漲有龍閣於橋下橋遂圯再建新橋改名龍橋

其後或以石甃或以木架度置不一永樂年間

石橋圯宣德初城北門并石橋南馬頭及河中

倒下亂石尚在正統初尚架大木橋大車重載

往來通行無阻其後河日深淺河岸年年崩摧

坍塌兩岸人家房屋店舍無收即今河北昔深

二丈有余寬七八丈不能架大橋所架小橋永

發就推去往來甚不便

通濟橋在燕樓北跨白渠元中統四年万戶楊子江

連十世孫叔廷臣姪時敏欽等重脩有碑記

東澤橋在織羅巷口跨白渠邑人李廷臣建

西津橋在西花園巷口跨白渠元中統二年邑人

姚敦仁敦義連八世孫義官仲棟男義官相重建有橋碑

義梁橋在龍陽宮前跨清河義民朱子春建

登高橋在樓底跨濁谷河

通遠橋在城西門外轉而南跨白渠通巴蜀云貴所

通為甚遠也橋以名橋故以木正德乙亥橋南橋

三原志

卷之二

十一

士管韶乃捐貲買石而易之橋于是乎為不易朽

矣正德十年谿田居士記

廣陽橋出城東門外跨白渠邑人張友恭建

廣濟橋二一在城東門內跨白渠一出東門外跨高

渠邑人常節孫世英等建有橋碑

石龍橋少保溫恭毅公建邑兩城對峙一水中分濼浪

為殃往來病涉公於万曆年間肇造石梁力倡鉅費

洵便四方行旅之徒不独一邑千年之利有禮

部尚書鄧人李維禎碑記

山川

三原土地夷曠山川灵秀故其淑之氣鍾而為
人者多豪傑慷慨之士有非他邑之可比也特後

三原志

卷之一

十二

其事而脩書之

山

嵯峨山在縣西北四十里一名截薛舊志云峰岱

高聳其勢嵯峨故名每山巔云起輒兩鄉人視

為雨侯其山三向西南扁涇陽西北屬淳化東

北屬本縣秀拔蒼翠隱然若筆架狀蓋邑之主

山也

堯門山在縣西北三十里

浮山在縣北二十里

原

天齊原在縣西北二十里西連葢薛山上有天齊
詞故名

鄭原在舊縣之南蓋即天齊原也

孟侯原在舊縣之西

白鹿原在舊縣之北以上三原俱在今縣治之西

北

河

清峪水在今縣治北門外又名清河舊志云其水

自華原縣界未經縣西南入白渠東流溉民田

一名鬼谷按十道志云晉太原地記扶風池陽

原志

卷三

五

縣有鬼谷先生所居今三原縣即古池陽縣也
虞喜志林亦云在隴關裴秀雍州記亦云在池
陽而司馬彪乃云鬼谷在高山未詳孰是介菴
云清峪水自耀州界來至縣治北十五里許出
谷口西南與冶谷水合經縣北門外東流至臨
潼縣界入于渭上流有六渠堰水溉民田舊志
謂經縣西南入白渠東流溉民田蓋是時河淺
堰水入渠今之河視渠深三丈余豈能復耳恐
大則上流亦不能作堰堰廢水下此河必有通
舟楫之日今縣西門外堰水入渠古跡尚存

濁谷河在縣北清谷水之東亦自耀州界來東流
溉民田其水峻急渾濁故名

渠

鄭國渠自涇陽界流來按前漢書溝洫志韓聞

秦之好吳事欲罷之無令東伐乃使水工鄭國

間說之令鑿涇水自仲山西即瓠口為渠渠成

而用溉烏鹵之地肆乃余頃收皆訟一鍾古師

六斛於是關中為沃野無凶年因名鄭國渠

六輔渠俗名六渠又名輔渠前漢書自鄭國渠起

至漢元鼎六年百三十六歲兒寬為左內史書

三原志

卷之一

十三

請穿六輔渠顏師古曰在鄭國渠之東今以益
溉鄭國旁高仰之田顏師古曰渠不得鄭國
仰首經曰此則於上流南岸更開大道
小渠以輔助灌溉耳在云陽三原兩縣界介菴
云鄭國即白渠今白渠上流南岸無六渠而南
岸之說恐誤惟清峪水上流有大渠灌溉田地
壹千八十四頃四十六畝蓋即兒寬所穿六輔
渠也一曰毛坊渠在本縣毛坊里河北岸作堰
距縣三十三里每月初九日子時承水至本月
二十九日戌時為滿灌溉本縣毛坊楊杜二里